

اداره مرکزی :

آنقره ده ، استانبول جاده سنده آنقره
معارف آمینلکی پاشده کی داتره

استانبول بوروسی :

استانبولده ، آنقره جاده سنده ۸۷ نومروده
داتره مخصوصه

حیات

هیانه دایمیه ... دیانه راهای حیات قاتلم ...
نجه -

نسخه هربرده ۱۵ غرورده

سنه لکی پوسنه ایله ۷,۵ لیرا .
(اجنبی مملکتلر ایچین ۷,۵ دولار)

ایونه واعلان ایشلری ایچین استانبول بوروسه
مراجعت ایدیلیر .

یازی ایشلرینک مرجعی آنقره مرکزدر .

صافی : ۶۶

آنقره ، ۱ مارت ، ۱۹۲۸

۳ می جلد

مصاحبه :

فلسفه جمعیتی

استانبولده فلسفه مدرس و معلملرینک مشترک
مساعیرینه قوت ویره جک اولان فلسفه جمعیتک
تشکلی نه قادر زماننده اولمشدر . فلسفه واجتماعیات
ایله اشتغال ایله یین متفکرلرک زمان زمان برلشهرک
تدقیق و مطالعه لرینی یکدیگرلرینه بیلدیرملری ، نهایت
اجتماعلرنده مذاکره زمینی اولان موضوعلر حقنده کی
مطالعه لرک (بولته نلر) حالنده نشری صورتیله هیمزک
استفاده ایله مه سنه امکان ویرملری جوق فیض
و ثمره ویره جک مساعیدندر .

بویله بر جمعیت قناعتمه کوره قیمتی اعضاسنک
مساعیسنی ده بر مرکز اطرافنده طوپلامغه یاردم
ایله به جکدر . بوکا جوق احتیاج واردر . اوکمزده
بر جوق مسئلهلر واردر که فلسفه واجتماعیات
ایله اوغراشانلریمزک جدی تدقیقلرینی دعوت
ایله به جک ماهیتده در . ارقاداشلریمز پک اعلا
تقدیر ایدرلر که بر فکر قارغشله لنی قارشیسندیز .
بونک نتیجه سی اولارق ماضیدن موروث اولان
وملی و مدنی حیاته تالیف ایدیله مه یین دین
مؤسسهرلرینک ییقیلیمه سی بعضی وجدانلرده حضور .
سزلق تولید ایتمشدر . شیمدی به قادر دین
دیجه مدرسهر و تکیه لری ، دولتک حقوقی
فعالیتنه حاکم اولان بر ذهنیت مواجهه سنده بولو .
نوبوردق . بونلرک هیچ بری معاصر حیاته
تالیف اولونا مازدی . اونک ایچین بوسلطة لردن
قور تولغه معطوف جهاد اطرافنده همان بوتون
متفکرلر اتحاد ایتدی . نهایت استقلال حربینک
وجوده کتیردیکی اجتماعی وضعیت و قدرت بوتون
بوانکللری ییقدی . فقط شیمدی بو مؤسسهر
خارجنده (دین) مسئله سی ، دینی وجدان ، دینی
تحسس مسئله سی .. مواجهه سنده یز . بو مسئله
اطرافنده تدقیق ایدیله جک بر جوق جبهه لواردر :

بر کره اسلامیه خاص نقطه لر وار .
اسلامیت خلق طبقه سنه تماماً نفوذ ایدهن ،
قاولیکلک و پروتستانلق کبی معین تشکلر
طرفندن متبادیاً محافظه جهدی کوسته ریلن
بر دین اولامشدر . اسلامیت حکومت طرفندن
نیمه ندیکی زمان قوتله نمش ، معاصر حیاتک
طبیعی جریاننی نتیجه سی اولارق حکومت لاییک
اولدجه قوتنی تماماً غائب ایله مشدر . اسلامیه
حاند بوجهلرک تدقیق ایدیلیمه سی و بونک نتیجه سی
اولارق حاصل اولان اجتماعی وضعیت خصوصنده
قناعتلرک اورتایه قونولماسی ، مناقشه ایدیلیمه سی
جوق لازم ، جوق فائده لیدر . دیگر جهتدن
عمومیتله دینک استقبالدده اجتماعی و روحی بر
احتیاجه تقابل ایدوب ایتمه دیکی مسئله سی اطرافنده
فیلسوفلرک فکرلرینک نشری و بونک اطرافنده
متفکرلریمزک مناقشه سی بر جوق جهتلری تنویره
یارایا جقدر . بو جمعیت قوتله نه رک خلقده یاشایان
دینی عقیده لری طوپلایا بیلیر ، بونک نه کبی
استحاله لرک اثری اولدیغنی کوسته ره بیلیر و مستقبل
وضعیتی تنویر ایده بیلیر .

اسلامیتده شیمدی به قادر جدی بر (ره فورم)
تشبثک اولاماسی و یا خود بو ره فورم تشبثک
پایلاماسی ده جوق دقته شایان بر حادته در . نه ایچین
اسلامیت آلاستیقیت کوسته ره مه مش ، اجتماعی
محیطک ایسته دیکی حالی آلاماشدر ؟ بونک
اوزرنده تدقیقلر یایمق نه قادر فائده لی اولور ! .
فقط بو کون قارشیسندیه بولوندیغمز اصل
مسئله ، دینی وجدانده کی استحاله به رغماً
« اخلاقی مکلفیت » ک قوتنه خلل کلمه مه سی
تامین ایله مکدر . بر طرفدن شیمدی به قادر

اخلاق مکلفیتله دین آراسنده صیقی بر اشتراک
اولماسی ، دیگر طرفدن بر جوق وجدانلر ایچین اخلاقک
الک مهم مؤیده سنک (دین) اولارق تلقیمی یوزندن
دینی وجدانده کی تزلزلک نفسمز خارجنده مکلفیت
اعتقادینی ده رخنه دار ایتمه سی ممکندر . بر جوقلرینه
کوره « الله » اعتقادی هیچ اولماز ساکنج روحلرده
نفس خارجنده « اکمل بر وارلغه » محبت تلقین
ایده رو بر نوع « ایده آلیم » ایچین روحلری حاضرلار .
منور بر کنج بو اعتقادی ایلریده بیراقسه بیله
روحنده کندی خارجنده مفکوره لری سومک
ایچین مساعد بر زمین وجوده کلیر . دیگر جهتدن
دینی قدسیتک تحلیل ایدیله ایدیله هیچه منجر
اولماسی اخلاقی موضوعلرده ده ایمان قابلیتنی
غائب ایتدیره بیلیر . دینک یاپدینی بو وظیفه رینه
نه یی اقامه ایده بیلیر ؟ کنج روحلرده « ایده آلیم »
زمینی حاضر لاق ، اخلاقی مکلفیت و وظیفه
دویغوسنی ادامه ایتدیرمک ایچون نه یاپمالی یز ؟
بونلر اوله سؤاللردر که فلسفه جمعیتنده کی
آرقاداشلرک مساعیرینک توجه ایده جکی استقامتی
کوسترر .

فرانسه ده لاییکلک جریاننی ایلرله دیکه
دوغرودن دوغرویه ویا بالواسطه دین اوزرنده ،
اخلاق موضوعی حقنده فلسفی تفکرات آرتدی .
بر طرفدن دینی تحسسلرک روحی موقعی ، دیگر جهتدن
دینک اجتماعی مؤسسه اولارق تدقیقی روحیات
واجتماعیات علملرینه حاند مساعینک الک مهم
مرکزینی تشکیل ایدیور . بر متفکرک ، بر عالمک
هر هانکی موضوع اوزرنده الک جوق فعالیت
و قدرت صرف ایتمه سی اجتماعی احتیاج ایله
شدتله علاقه داردر . صوک آلتش ، یتش سنه

قوجہ ایلی

استانبولک شرقندہ کی ایزمیت یاریم آطہ سیلہ صابانجہ کولی حوضہ سی و آشاغی ساکاریا وادیسی « قوجہ ایلی » عنوانی آلتندہ جوغرافی برمنطقہ عد ایدیلیر . فقط ساحہ اعتباریلہ اولان توافقہ



ساکاریا وادیسی منظرہ لرندہ

باقرق « ایزمیت ویا قوجہ ایلی ولایتی » ایلہ قوجہ ایلی منطقہ سی تعبیرینک عینی اولدینی ظن ایدیلہ ملیدر ، بری اداری ، دیکری طبیعی وجوغرافی بر وحدتک افادہ سیدر . مع مافیہ « قوجہ ایلی » نک غرب و شرق قسملی آراسندہ بارز فرقلر کورولور . ایزمیت ایلہ قدرہ آراسندہ چکیلن خطک غربندہ قالان قسم یعنی اصل یاریم آطہ ایلہ شرقندہ کی صابانجہ و آطہ بازاری حوالیمی فرقلی بر منظرہ عرض ایدر . صابانجہ ایلہ آطہ بازاری صوک یاریم عصر ظرفندہ انکشاف ایدن یکی قوجہ ایلی نک ، یاریم آطہ نک ایچ طرفلی ده اسکی قوجہ ایلی نک خصوصیتلری طاشیر .

سیاحتنک ایکنجی و اوچونجی کونلری بزی اصل قوجہ ایلی ایلہ یعنی بورالک فاتحی اولان « آچہ قوجہ » نک معیتی احفادیلہ تماسہ کتیرہ جکی ایچون پک مراقلی ایدی . بوغاز ایچی ساحل لرندن ۶۰ کیلومتر و مسافہ ده « دکیلی » قرہ سندن اوزاقلا شیر اوزاقلا شایکی برژہ ٹولوژی منطقہ سنہ داخل اولدق . دوون ساحہ سی نہایت بولدی . تریاس دورینک طالعہ لی قالدکلری

میدانہ چقدی . ژہ ٹولوژیک بنیہ ایلہ برابر اراضینک شکلی ده دیکشدی .

درین اویولش وادیلرہ ، قارست تشکلاتنہ ، جوقور لقلرہ تصادف ایدیلور دی ، تپہ لر قوم طاشی ، وادیلر قالدکلر .. آلچاق وجوقور یرلر ده بودور میشہ لکلر ، مرتفع یرلر ده طوپ طوپ ایری میشہ لر نظرہ چارپیوردی . بورادہ کویلر بر آزیفتجیلک یاپور لر سده داہا زیادہ کومور . جیلکہ اشتغال ایدیور لر .

حرب عمومی اٹاسندہ یاپیلش فقط بوکون خرابہ سی قالمش بر شوسہ سی تعقیباً ۶۵۰ مترو ارتفاعندہ قایالی طاغ صرتلرینہ طیر ماندق . یولده ہب استانبول طرفنہ طاووق ، ہندی طاشیان کویلیرہ راست کلیوردق ، کومور آرابہ لری ایچہ سیرہ کلہ شمشدی . اوزوم و میوہ یوکلہ حیوانلریلہ بعض یولچیلر ده بزہ رفاقت ایدیوردی . بر آرزو کرا یکی بر منطقہ یہ داخل اولدیغیزی ایچہ حس ایتہ یہ باشلادق . خط بالایی آشنجہ اوکمزہ شالدن جنوبہ دوغرو اوزانان و باشند باشہ حبوبات تارلالریلہ مستور اولان کنیش بر وادی چقدی : « طاش کوپری » و « قوجہ درہ » وادیسی .. اطرافدہ صیق صیق کویلر کورونیور . تپہ شیر دورینہ عائد اولان بو اراضی ہم برزراعت منطقہ سی ، عین زماندہ ہم بر درت یول آغزی . چونکہ ہر کہ ، یاریمجہ ، دریجہ ، ایزمیتدن کلوب شیلہ یہ ، آغویہ کیدن یوللر بورادہ برلہ شیور .

سیاحتک ایکنجی کیجہ سی بورادہ کی کویلرک برندہ کچدی . کویلرک شکلی ، طرز حیات وزراعت آلتلری شمالی آناطولینک اک اوچرا کوشہ لرندہ کی وضعیتک عینی ایدی . استانبولک پک یاقیندہ اولماسنہ رغماً اوقویوب یازانلرک عددی ده صوک درجہ محدوددی ! . صباحلین ایرکندن چشمہ باشندہ بولغور دوکن قادیلر بزہ آلتی عصر اولکی طرز حیات ، حتی شکل زراعتدہ ہیچ بر تبدل اولمادیغی حسنی وریوردی . مع مافیہ بو کویلر اولکی اوغرا دیغیز

استانبول ولایتنہ تابع کویلردن داہا آبی بر وضعیتدہ ایدی .

۱۵ آغستوس ۱۹۲۷

صبح سیرینلکندہ اطرافی مصر تارلالریلہ محاط بر جوق کویلر آراسندن کچہ رک طاش کوپری وادیسی ترک ایدوب « طوغانجیلر » . دوغری یوکسہ لدک . یول خط بالایی تعقیب ایتدیکی ایچون اطرافندہ کی تباشیری اراضینک مورفولوژیسی ایچہ تدقیق قابل اولویوردی . « خبری » دینلن مسیرہ محاندہ منظرہ پک مکمللشدی . بوتون کوزل منظرہ لی یرلر ده اولدینی کی بورادہ ده بر مزاراق قدیم دورہ لرہ عائد آثار ایلہ برابر برده ہو یوک وار . جوار اراضی درین وادیلرہ اویولش طالعہ لی بر اراضی شکندہ ایدی . اوزرندہ اوتلر بیتمش اسکی بر شوسہ بزی چفتلک کوی چشمہ لرینک اوکنہ کتیردی .

صوئوق صویک باشندہ کچیردیکمز طاتلی دقیقه لر جوق دوام ایتہ دی . براز ایلر ده اوتوموبیلز دیک یاماجلی بر درہ ایچنہ صاپلانندی قالدی . کویلیر حیوانلریلہ بزہ یاردیمہ قوشدیلر . حیوانلری قوشمہ یہ حاجت قالمادی . اوتوموبیلک وینچ ترتیباتی سایہ سندن باطاقدن چقدق . بزہ جوق یاردیم ایدن طونفوزلی کویلیری عین زماندہ ایران وپنیر اکرام ایدہ رک ہر معناسیلہ اسکی تورک مسافر پرورلکنی کوستردیلر . بورانک کویلیری پک نشہ لی کوزو کیوردی .



صابانجہ کولنک اوزاقندہ کوروشی

بالخاصه شمال و جنوب سطح مائل لرندن سور و کله نهرك اينهن طاشلر و طوپراقلر و روزمانله اوقادار چوق بريكمشدر كه صارى ميشه (محمديه) موقعنده دكيز سوبه سندن ۶۵ متر و ارتفاعده برسد بيله وجوده كتير مشدر . بوفعاليت الان دوام ايتكمده در . حتى پك اوزاق بر آتیده اولسه بيله كولك تماميله دولماسى احتمالى ايلرى سورمه نلر وار .

آطه بازاري جاده سى دمير يولنه موازى اوله رق كولك جنوب ساحلى تعقيب ايديلور ، آغاچلق و معمور كويلر آراسندن كچن يولك براز كريسنده صارب طاغله ، ديك ياماچلر ، دار واديلر نظره چارپوردی . بوراده كولك طاغندن اينهن سيل ياتاقلى اوزرنده چوق متنوع صخره لره تصادف ايديلوردی ، برموزه تشكيل ايدمك قادار قيمتلى نمونه لر طوپلامق قابلدی ، شيسترك ، قووارسيترك انواعى بوراده طوپلى بر حاليه بولونيوردی . يانمزده كي لهلى پروفورلرله برابر بونلرى بر خزينه سير ايدر كى اوزون اوزون تدقيق ايتدك .

صابانجه حوضه سى شرقده ساقاريه واديسنه ، آلتى كيلومتر و لوق بر مسافيه قادار يا قلاشمقده در ؛ نهرك سور و كله ديكي تراكت وادى ايله كول آراسنده برقاج مترو ارتفاعنده سدر وجوده كتير مش اولديغندن صابانجه كولى چرخ صوبى واسطه سيله آنجا ۳۵ كيلومتر و مسافه ده ساقاريه ايله برلشه بيلمكده در . كولك وسعتى ۴۶ كيلومتره مربعى اولوب ، اكر يتله مارت آينه تصادف ايدن طغيان زمانى ائساننده ، ۹ كيلو مترو مربعى دها توسع ايتكمده در ؛ كول سطحى دكيز سوبه سندن ۳۲ مترو يوكسكده اولوب الكدرين برى ۵۰ ، وسطى درينلكنى ۲۵ مترو در . اكر آناتولى كوللرنده اولدينى كى بوراده ده طاتلى صو حيواناتنك انواعى ، جنس جنس بالقدر وار .

كولك اطرافنده اولدجه جانلى بر حيات نباتيه مشاهده اولونور ، اووالرده چشيد چشيد ميوه آغاچلىرى (ألما ، ارمود ، اريك ، كراز ، جويز ..) ، مصر تارلالرى و سازلقلر ، صرقلرده چايرلر و ميشه چاليلقلىرى ؛ پك يوكسكلرده كوكنار ، كوركن ، كستانه ، چنار ، حتى آچه آغاچ دن متشكل ايرمانلر كورولور . صابانجه نك جنوبنده كى كولك طاغ اوزرنده



ايزميت كورفزي ، قورم ايلي طاغلى

شوسه سندن صوكر ا بو منطقه نك اك ايشلهك بر جاده سى ... يولده صيق صيق اوتوموبيللره راست كليوردق .. فقط بزئالدين جنوبه دوغرى خط مستقيم استقامتند كيدن بويولك برقسندن استفاده ايدمك ، « چوبوقلى عثمان » موقعندن صوكر سلطانیه - كروانسراى طريقه آطه . بازارينه كیده جكدك .. فقط يولك پك بوزوق اولماسى جاده يى براز دها فضله تعقيب ايتمه مزى ايجاب ايتدردی . چاير كوى و اوزون بك اوزرندن بويوك دريند و صابانجه يه و اورادن آطه بازارينه كيتمك مجبوريتنده قالدق ..

۱۶ آغستوس ۱۹۲۷

اسكداردن اعتبارآ ۱۵۰ كيلو مترو يول آلدقندن صوكر ايزميتك شرقنده « اوزون بك » چيقتلكى جوارنده صابانجه كولى حوضه سنه ، قوجه ايلينك اولدجه خصوصيتى حائز بر منطقه سنه داخل اولدق .. صابانجه كولى و اطرافنده كى سطح مائلر دكل يالكز قوجه ايلينك ، حتى بوتون مملكتك چوق زنكين و منبت بر كوشه سنى تشكيل ايتديكى شبهه سذر . على العاده برترن بولجلىنى بيله بو خصوصده بر فكر ايدينه يه كافيدر . صابانجه كولى اصلاً ايزميت حفره سنك تماديسى اولدينى حاليه جوار طاغلردن اينهن لحقر كولك كورفزدن آيرماسنى موجب اولمش ؛

بوسنه اكينلر اوقادار بركتلى اولمامشده ، آلتى سنه ده برزرع ايديلن كتن محصولى سنه سى ايمش حاصلاتده ائى اولديغندن كويلى پك نموندى . كرك توخومندن و كرك اليافندن استفاده ايدلمسى دولاييسيله كتن ايكي جهتن قازانچلى بر محصولدر . حصادى خارمان زمانه راست كلديكندن اكين آزا اولدينى سنه لر كويللرك يوزيخى كولديرسيور . يوللرك فناللى بزي صوك درجه مشكل بر موقعده براقدىغندن قندره - ايزميت شوسه سنى صبر سزاقيله بلكه بوردق . بوتون كويللر ، بر « ايلغانه » چيقسه كز اورادن اوته سى قولاي ، ديورلردی . ايلغانه چيقدىغمز زمان بوحوالينك اك حاكم نقطه سنده بولونديغمزى آكلادق . اولدجه واسع بر ساحه نك اجتماع مركزى ، جمهبرى اولان بودرت يول آغزى پك تكين بربردكل .. بورانك كنش مز ارلقلرنده ياتيرلرده جوقش .. كويللر بوراده زمان زمان نور چيقوب اوليالر كوزو كديكى سويله بورلردی . بزده بونقطه يى بولدقندن صوكر ا سلامت ايردك .. تبه نك ژه ثولوژيك بنه سنده بر خصوصيت وار ، اولامارن طبقه سى ترسب و توزع ايمش ، بالآخره يكي وادى تشكيلاتى اسكى شكلى تماميله تبديل ايتمشدر . ايلغاندن بر آز اوتده قندره - ايزميت شوسه سى اوزرنده اوتوموبيلمز سرعته يول آلمايه باشلادى .

ايزميت - قندره شوسه سى اسكدار - شيله

وادیسی یعنی « آق اووا » هر اعتبارایله شایان تدقیقدر . اقلیمی معتدل ، یاغموری مبدول ، طوپراغی منبت و زنگین اولان بو ساحهده زراعتدن چوق شیلر بکله نه بیلیر . استانبوله غذا انباری اولماسی لازم کلن برلردن بری .. حتی شمیدین . بوراده اولدقجه متکامل زراعت ، ماکنه زراعتنهده راست کلینیوردی . فقط ساقاریا نهری مجراسنک هنوز تنظیم ایدیلشمش اولماسی دولایسیله تارلارلرک سیلرلرک هجومه معروض قالماسی زراعتی تحدید و تهدید ایتمکدهدر . عمومیتله بو منطقهده زراعتک انکشافی ساقاریا نهری مجراسنک تنظیمنه وابسته اولدینی اکلاشیلیوردی .

زمان مساعد اولماماسنه رغماً ساقاریه نك اسکی ایزلری اوزرنده بعضی استدلاللر یایمق قابل اولدی . بکک کوپری موقعندن اعتباراً طاغلق منطقهی دارودرین بوغازلرله قطع ایدن ساقاریه نك شمیدی به قادر ایلری سورولهن نقطه نظره کوره اولجه اورته آناطولی به دوغرو آقدینی ، بالاخره کنار سلسله لرینی یاره رق اولاصابانجه حفره سی اوزرندن برمدت مرمریه بالاخره مجراسنی دکیشدیره رک قارا دکیزه دوکولدیکی قبول ایدلمکدهدر .

بوکونکی ساقاریا وادیسنک اصلاً قارادکیزدن دوغری کلن بویوک برنهرک وادیسی اولدینی ، بش کوپری جوارنده کی تپه لرک و قتیله برر آله

طرفنده انکشاف ایتیش یکی بر قصبه در . جوارده کی « علمیه » ، « شهرتیه » ، « نائلیه » ، کی کوی اسملری ده بویکیلیکی کوسترییور ، بو اسملرده بر آزده یابانچیلق قوقوسی وار .

صابانجه کولنک ایزمیت کورفرزیه برلشدیرلمسی مسئله سی پک مشهور اولدیفتدن بوراده تکراره لزوم یوق . بش کوپری موقعنده کی ناتمام کوپری ایزلری بو تشبثک اولجهده تکرار ایدلیدیکی کوسترییور . اولیا چلی نك روایتنه باقیلیرسه « اسکندر ایزمیتک شرق طرفنده کی صابانجه کولنی یاره رق ایزمیت کورفرزیه آیتمشدر . ساقاریه نهریله قارا دکیز و ایزمیت کورفرزلی آراسنده قوجه ایلی و ایزمیت ، بر جزیره کی قالش ایش ، صوکرا استانبول تکفوری تکرار قابامش . اکرینه آچیلسه بر قنطار اودون بش آچیه به برتخته ایکی آچیه اینه جکمش . وجهه ایزمیت کیلری آله بازاره یاناشوب اوراسیینه براسکله اولورمش ..

۱۷ آغستوس

صابانجه جوارنده بر کیجه کچیردک ، بو سایه ده کویک صباح منظره سی ده دویادویا سیرایتمک قابل اولدی . نهایت بومیوه دیارینی بو آغا جلق منطقه یی ترک ایدمک ساقاریه وادیسنه دوغری ایلریله دک .. مرکزی آله پازاری اولان آشاغی ساقاریا

و ساقاریه اطرافنده کی اورمانلر اسکیدنبری بویوک بر شهرتی حازدر . درت عصر اول بورالردن کچن اسکی سیاحلر بزه بو اورمانلری شو صورتله توصیف ایدیور :

« ساقاریه کنارنده » آغاچ دکیزی ، نام اورماندن کچدک ، بوراسی اوله بر اورماندرکه ایچنده اهل بلد اولیان نیجه غریب دیارلر ، غیب اوله رق وحشی جانوارلر قسمت اولمشدر . دفته ، آردیچ ، جام و اخلامور آغاچلرینک شکوفه لری رایحه سندن انسانک دماغی معطر اولور ، کونش ایچنه اصلاتاثر ایتمز . بوخیابان ایچره نیجه تخته بیجه جک بیجیلر اولوب کمی کراستلری کسرلر ...

بوکونده بو منطقه اورمانلردن کراسته استحصال ایدلمکده ایسه ده اوقادار حائز اهمیت دک ؛ فقط واسع ایشله تملر ایچون تشبثلرده بولونولدیغنی خبر آلیورز . برده قوجه ایلی منطقه سنده کی آچیه آغاچلردن دها بویوک استفاده لر مأمولدر ؛ چونکه بو آغاچک تخته سی کان اعمالنه یارادینی ایچون هم قیمتلی ، هم ده طلب زیادهدر .

کوزل منظره لی طاشقین و براق کولک کنارنده عین اسمده کی صابانجه ه بیک نفوسلی بر شهر جکدر . چارشیدی ، پازاری بزه پک شیرین کوروندی . آثار عتیقه بولونمادیغندن بو نقطه نك تاریخی بر آز مجهولدر . بعضلری صابانجه نك « سایه بان » دن کلدیکی اولیا چلی ده « صابانچی قوجه » دن کلدیکی ادعا ایدر . فقط بو اسمک اصلاً لاتینجه بر کله دن مشتق اولدینی ظن ایدلمکدهدر . بو اشتقاق بخیلر اوزرنده توق ایتمیه رک قصبه ده تاریخی ایزلر آراشدیرمق شبهه سز دها دوغرو ایدی . تاریخی بولک ایزنیک - هر سک اوزرندن کچمه سی قرون قدیمه ده بو منطقه نك کناره قالماسنی موجب اولمشدی . عثمانیلرک ایلک دورنده بوحوالی اهمیتلی بر کذرکاه اوله رق اولجه کولک شالندن کچن یول بالاخره جنوبدن ، صابانجه اوزرندن کچمه به باشلامشدر . قانونی سلیمان زماننده وزیر صاری رستم پاشا طرفندن جامع و حمام انشا ایدیلهرک صابانجه نك توسیع ایدلمش اولدینی آکلاشیلیور . صابانجه هر حالده صوک عصر



صابانجه کولی کنارنده

اولدینی احتمالی قوتله ندی. بوتون تبهلر و تراسهلر هب غریبه دوغری میلی اولماسی بوکا بر دلیل ایدی. صابانجه اوواسندن کچرک دیکزه دوکولن بواسکی نهر قارادیکز حفره سنک تشکندن سوکرا اورته دن قالمش ، صابانجه حفره سنک دولماسی و یو کسه له سی اوزرینه یولنی دکیشدیرن ساقاریا عینی وادی اوزرندن شماله دوغری آقابه باشلامشدر . مرمه نك می ، یوقسه قارادیکز حفره سنک می داها اول تشکل ایندیکنی حله وسیله اولاجق اولان بومسئله اوزرنده جوق توقف ایتمک ایجاب ایدیوردی . صابانجه کولنک ده اولا بر کورفر اولدینی، سوکرا دار بر قانال ایله دیکزدن آریله رق صوبی طاتلیلاشدینی، بالا آخره تدریجاً جواردن کلن طوپراقلرله دولارق بو کونکی سویه یه یو کسه لیدیکی شبهه سزدر . فقط بوتون بو مسئله لرک حلی آنجاق بوراده اوزون و درین تدقیقات ایله قابل اوله بیله جک ..

آطه بازارینه کلدیکمز اوزمان حقیقه جوق جانلی بر شهر حیاتیله قارشیلانقدی . بازار و چارشیلرنده پایدیغمز کوچوک برکزینتی بزه بو شهرک برزراعت مرکزی اولمقدن زیاده بر مناقله مرکزی اولدینی ، شمالی آناتولی یه حندق ، دوزجه و بولی یه کیدن جاده نك مبدأ نده اولماسی انکشافنک ال بو یوک عاملی اولدینی کوستریوردی . تره ن سایه سنده بر جوق اشیایی بوراده استانبول فیاتنه مبايعه قابلدی . خانلر ، اولتلقه و لره هر طرفدن کلش یولچیلرله دولو .. بزریاندن بنزین و ییه جک کی یولچیلق لوازمی تدارکنه بریاندن ده شهری تدقیقه قویولقدی . . . صوک الی طرفنده انکشاف ایتمش یکی بر شهر اولماسی دولایسیله سکنه سی ده مختلف دیارلردن کلش مهاجرلردن مرکب . فقط جوق شایان دقتدرکه نه بوشهره ، نه ده جوارینه یکی مبادل مهاجرلردن کلوب برله شهن اولماش . یالکیز صوک زمانلرده اردو وریزه طرفلرندن کلوب برله شهنلر جوق . یکنظرده بوراده معارفک اوینایاجنی رولک پک مهم اولدینی آکلاشیلیوردی .

قوجه ایلی یاریم آطه سنک شرق حدودینی ایزمیتله قندره آراسته چکیلن غیرطبیعی برخط

ایله تعیین ایتمکدنسه آشانی ساقاریه حوضه سی، یعنی آطه بازاری منطقه سی ایله تحدید داها دوغریدر . بوسورتله غریبه ۳۰ کیلو مترو ، وسطده و شرقده ۴۰ کیلو مترو کنیشلکندم

ایوب ! بوراده یر، کوک هب آلم دولو ؛ اوزانیر کوزلرده ماورا بولی ... کون کورمش روحلره آشنا دیار ؛ پارلاق کونشنده بیله حزن وار ... بهاری برکشیف ایهام ثورولو ، سه و نخله تبسم صانکه کومولو کوک یوزنده سیاه سحابه لره ، یر اوستنده قیریق کتبه لره ...

آرارکن اطرافده برکولن لوحه ؛ بکا سسله نیور یاتیق برنوحه ، دیورکه :

— « سن بنی دیکلر سه ک اکر ، حیات ، نه قادارده عیشمش مکر ، دیر ، فانی دنیادن چکر سک آلی ، جوشارسک قلبکده فردا آملی ... » چه وریدلم روحله اولو ربمه ، فردانک اسراری دولدی قلبه !

دالشم افقنه فردانک بر آن ؛ اویاندم : کوکسده بریاتیق هجران ... یانمده سرویلر ، وقور سرویلر ، هپ عینی حسرتک وصلنی دیلر ... باقندم کوکاره ، سرسری ، کزدم ... سولرده ، طوبرانده بر ایمان سزدم ... دولارکن عیظه رنکیز احتشام ؛ نه کوزل برحزن : ایوبده آقشام !

ضیاء الرب فیضی

اولان بو طولانی یاریم آطه نك تقریباً ۴۱ نجی عرض درجه سی اوزرنده کی اوزونلنی ۱۳۰ کیلو مترونی بولور . وسعتی ۶،۰۰۰ کیلو مترو مربعدر .

بر جوق منفرد یازیلردن ماعدا فیتسنه ر Fitzner و اندریس W. Endriss کی بعضی ماللرک طوپلو اثرلری بولو بمقله برابر بومنطقه کافی درجه ده تدقیق ایدلش صایلماز . بوراسی علمی تدقیقات ایچون حقیقه جوق استفاده لی بر ساحه در . برکرمه دوون دورندن باشلا یه رق درونجی زمان اراضیه قادار بوتون ادواره مائده طبقات بوراده موجوددر . ثانیاً بر طرفده استانبول بوغازینک ، دیگر طرفده ساقاریا وادی سنک تشکلی کی باله نو - ره توغرافی اعتباریله جوق شایان دقت ایکی معظم مسئله وار . نباتات و حیوانات جهتندن ده مختلف جنس تجمعاتی بوراده کورمک قابل .. بشری و اقتصادی جوغرافیای نقطه نظرندن ایسه هنوز هیچ تدقیق ایدله مش بر ساحه در . دیگر ولایتلریز حقنده ، پک ناقصده اولسه ، اوافق تفک بعض آثار ، سالنامه و سائر موجوده ده بورایه مائده هیچ برنی یوقدر . حالبوکه بورانک یرلی تورک سکنه سنک طرز حیاتیله یکی مهاجر کتله لرینک طرز حیاتی مقایسه دن جوق فائده لی نتیجه لر چیقاییلر . بوراده کی طبیعی ثروتلردن بوکون پک ابتدائی برطرزده استفاده ایدلمکده در . باغ ، میوه ، پاناتس و کتن زراعتندن اعظمی حاصلاتک تأمین ؛ بومنطقه نك حیوانچیلق و ایپکچیلکده کی موقعی ، بالخاصه منسوجات صنایعنک بوراده انکشافی قابلیتی و داها بر جوق اقتصادی مسائل .. آنجق محلنده پایله جق اطرافلی تدقیقره وابسته در . بوتون بونلر بکا و قتیله استانبولی بر ایکی کون ایچون زیارت ایدن بر جوغرافیای ماللنک سوزلرینی خاطر لاتدی . آوروپانک مختلف مرکز لرنده تدریساتده بولونمش اولان بو ذات : (ظن ایدر سه م دنیا ده استانبول قادار جوغرافیای تدریسات و تدقیقاتنه مساعد یرپک آزددر ، جوغرافیایی علاقه دار ایدن بر جوق حادثاتی بو قادار طوپلی بر حالده کورمک و تدقیق ایتمک آنجاق استانبولده قابلدر) دییوردی . تورکیه نك موضعی جوغرافیایی تدقیقه ده ، خریطه اعتباریله لازم کلن احضاراتی یاپیلش اولان بو منطقه دن باشلامق شبهه سز اک دوغری بر حرکت اوله جقدر .

حامد سعری

